

Ataatsimiinnerup ammarneqarnera

(Inatsisartut Siulittaasuut)

Inatsisartut Siulittaasuattut Inatsisartut Naalakkersuisullu 2019-imi ukiakkut ataatsimiinnissamut matumunnga uummammit tikilluaquakka.

Takusinnaavara ilaasortat tamangajammik ukiakkut ataatsimiinnissap matuma aallartinnissaanut tikissimasut, taamaalillunilu Inatsisartut tamakkiisumik aalajangiisinnaassuseqartut.

Naalagaaffiit Peqatigiit 74-issaannik ataatsimeersuarneranni Malene V. Rasmussen Inatsisartut sinnerlugit peqataavoq Nuummullu tikissalluni ulloq 5. oktober.

Anders Olsen kingusinnerusukkut tikissaaq tamatumalu tungaanut taasisarneq pillugu isumaqatigiissuteqarluni.

Laura Taunajik Uitsatikitseq erninerminut atatillugu sulinngiffeqarpoq.

Inatsisartunut ilaasortaq Randi Vestergaard Evaldsen Inatsisartunit tunuarnisamik qinnuteqarpoq.

Qinnuteqaat Inatsisartunit akuerineqarsinnaava?

Akerliusoqarpassinngilaq.

Taamaalilluni Randi Vestergaard Evaldsenip qinnuteqaataa akuerineqarpoq.

Randi Vestergaard Evaldsen Siulittaasoqarfimmit qutsavigiumavarput siunissamilu ingerlalluarnissaanik kissaallugu.

Tamanna pissutigalugu Simigaq Heilmann Inatsisartunut ilaasortanngorpoq.

Simigaq Heilmann tamanna sioqqullugu Niels Thomsenimut sinniisussatut aggersarneqarsimavoq.

Niels Thomsenip napparsimalluni sulinngiffeqarnerani Anna Wangenheim Inatsisartunut aggersarneqarpoq. Anna Wangenheim qinigaasinnaasutut

Qinigaanerup Misilinneqarnissaanut Ataatsimiititaliamit akuerineqarpoq.
Akerliusoqarnerluni?

Anna Wangenheim Inatsisartuni inissannut ingissinnaavutit tikilluarillu.

Laura Taunajik Uitsatikitsip erninerminut atatillugu sulinngiffeqarnerani
sinniisussaanik aggersaasoqarnissaa Siumumit qinnutigineqarpoq.

Mala Høy Kuko Laura Taunajiik Uitsatikitsip erninerminut atatillugu sulinngif-
feqarnerani sinniisussatut Inatsisartunut aggersarneqarpoq. Mala Høy Kuko qini-
gaasinnaasutut Qinigaanerup Misilinneqarnissaanut Ataatsimiititaliamit akueri-
neqarpoq. Akerliusoqarnerluni?

Mala Høy Kuko Inatsisartuni inissannut ingissinnaavutit tikilluarillu.

Ilisimatitsissutigineqassaaq Inatsisartut sinnerlugit Ataqqinartorsuaq Dronning
Margrethe Aappaat, qallunaat naalakkersuisui, Folketingi, Islandimi Altingi, Sa-
valimmiuni Lagtingi Nunavummilu inatsisartut inuulluaqqusummik nassik-
kakkit, Inatsisartut ukiuani nutaami tulliuttumi sulinissaanni pitsaasumik ineri-
itaqarfiusumillu suleqatigiinnissaaq kissaatigalugu.

Taamaalillunga Inatsisartut 2019-imi Ukiakkut Ataatsimiinnerat ammarne-
qartutut nalunaarutigaa.